

اتحاد عناصر عثمانیه هیئت

نظامنامه‌سی

تاریخ تاسیسی

۱۰ تموز ۳۲۵

حکومت عثمانیه نك ۳ كانون اول سنه ۳۲۵ تاریخ

و ۴۵ نوسرولی رخصتنامه‌سی حائر در



قسطنطینیه

مطبعه ابوالضیا

۱۳۲۸

اتحاد عناصر عثمانیه هیئتی

نظامنامه سی

تاریخ تأسیسی

۱۰ تموز ۳۲۵

حکومت عثمانیه نك ۳ كانون اول سنه ۳۲۵ تاریخ

و ۵۵ نومرولی رخصتنامه سی حائر در



TDVISAM  
Kütüphanesi Arşivi  
No ۳۳.۱۱۱۳

قسطنطینیہ

مطبعه ابوالضیا

۱۳۲۸



TDV İSAM  
Kütüphanesi Arşivi  
No 7E.1113

## اتحاد عناصر عثمانیه هیئتی

برنجی ماده — « اتحاد عناصر عثمانیه هیئتی » حکومت  
مشروطه عثمانیه مزك قوانین حاضره و آتیه سنه تامیله رعایت  
شرطیله وطن مقدس و مشترک مزك منافع مادیه و معنویه سنی تأمین  
و عثمانلی نام مبدلنی طاشیان بلا تفریق جنس و مذهب هر فرد  
ارسنده رابطه اتحادی تقویه ، قاعده مساواته رعایت ، لازمه  
اخوتی ایفا ، فکر عدالتی تلقین ایچون عدالتی رهبر حرکات  
اتحاد ایدرهك تشکل ایتمس در .

### وظائف اساسیه

ایکنجی ماده — مذهب ، فرقه ، قومیت ، شخصیت ،  
جنسیت غیرتی کودمیوی وطنك سعادتق نقطه سنده عمومك  
مقاصدینی توحیده سعی ایدر .

اوچنجی ماده — وحدت عثمانیهیه متعلق حق مساوات  
و عدالت و خریته تعلق ایدن خصوصاتدن ماعدا امور سیاسیه  
اپله قطعاً اشتغال ایتمز .



دردنجی ماده — جناب حَقِّک عنایتیله سایه اتحاد و مشر و-  
طیتده یك وجود عثمانلیلرک سعادت کامله یه نائیلیتلری هر نه یه  
متوقف ایسه اسبابی تأمل و احضار و بویولده کی تشبثاتنه حیولت  
ایده جک مانعه لری رفع و ازاله ایچون هر بر فدا کارلنی اختیار  
ایلر .

بشنجی ماده — هر هانکی عنصره منسوب اولورسه اولسون  
هر کیمک . حریتک مبنی علیی اولان عدالت . مساوات ،  
اخوت اساسلرندن برینی اخلاصه تشبث و یا تجاوزی وقوعنی هیئت  
خبر آدینی زمان ؛ بعدالت تحقیق قناعت حصولی تقدیرنده مطبوعات  
ایله کیفیتنی اعلان و تقییح و لزومی حالنده طوغریدن طوغری یه  
ویا بالواسطه مقامات عانده سنه مراجعتله اخوت مؤیده ، عدالت  
مؤسسه ، مساوات مستقره نی و الحاصل هیئتک مقصد اصلینی  
اولان اتحاد و اتفاقک حصولنی اخلاص ایده بیله جک اک جزئی  
حالك بیله ازاله سی اسبابی هر نه یه متوقف ایسه اجرایی ایچون -  
اقتداری دائره سنده - تشبثات قطعیه و جدیده بولنور .

التنجی ماده — اذهان عمومیه نی تخدیش ایده جک درجه ده  
ادیان و مذاهبه حرمتسزلک کوس ترنلر و یا تحقیر ایدنلر تقییح  
و عندالایجاب حکومته مراجعتله تجزیه سی طلب اولنه جقدر .

یدنجی ماده — وطنک سلامتی و بالعموم عثمانلیلرک رفاه  
و سعادتنی ضامن و کافل اولان مشروطیتک فواید و قواعدینی ،

حکومتک خلق اوزرنده کی حقوق و حق حمایه و وظائفی و خلقک  
حکومته بورجلی اولدینی رعایت و حقوق و وظائفی اوکرتک  
ایچون قونفرانس لر اعطاسی و کتبخانه لر تأسیسی کی و سائلطه  
مراجعت ایلر .

سکرنجی ماده — مرض جهل و نفاقنی دفع ایله اتحادک  
تمامی حصولی و مشروطیتک غایه تکمله و صولی ایچون مکاتب  
مختلطه تأسیس ایدر . تنویر افکار ایچون کیجه درس لری کشاد  
و آچیق افاده ایله السنه مختلفه ده غزته لر نشر و کتابلر تحریر  
ایله خلقه ، مکاتبه توزیع ایلر . مکاتب غیر مسلمه ده لسان  
عثمانینک تحصیل و تعمیمنه و وسائط مالیه سی مساعد اولدقجه  
بلا تفریق جنس و مذهب هیئتک تنسیب ایده جکی مکتبلردن مکاتب  
عالیه و ممالک اجنبیه یه طلبه سوق اعزامنه ماده و معنأ معاونت  
ایدر .

طقوزنجی ماده — فقرا و مرضایه خسته خانه لر انشا  
و عملیه تعاون صندوقلری ، آتلیه لر ، دارالصناعه لر تأسیس  
و شرکتلر تشکیل و فابریقه لر کشاد ایدر . خلقی ؛ تحصیله ،  
زراعتنه . صنعتنه ، تجارته سوق و تشویق ایچون رساله لر ترتیب  
ایله ممالک عثمانیه نك هر نقطه سنه توزیع ایتک ، صنعت و زراعتنه  
متعلق نمونه لر ، موزه لر وجوده کتیرمک کی و سائلطه مراجعت  
ایلر .

اوتنجی ماده — صنعت و تجارتك تعمیمی ایله ثروت عمومیة  
ملیه مزك ترقیسنه ، مشروطیتك فیوضات احیا کارانه سنه استناداً  
کمال جد و خلوص ایله سعی ایلر . . . . ومن الله التوفیق

تشکیلات عمومیہ

اون برنجی ماده — اتحاد عناصر عثمانیه هیئتئ ؛ اعضای  
طبیعیہ ، اعضای منتخبہ ، اعضای متممہ ، اعضای مظاهرہ  
واعضای فخریہ دن متشکلدر .

اون ایکنجی ماده — اعضای طبیعیہ ، — تشکیلات روحا-  
نیہ سی حکومتجه مصدق اولان مللک رؤسای روحانیہ سی طرفندن  
کوندریله جک برر مرخص ایله تشکیلات روحانیہ سی اولیان  
عنصر لک جماعت ویا قلوب ریاستلرندن کوندریله جک مرخص  
وقلوبی موجود اولیان عنصر لردن درت بش معتبر ذاتک انتخاب  
ایده جکی ذاتلردن عبارتدر .

ارمنی قتولیک عنصرندن	آصدوریان	افندی
»	اسپراکی	»
ارمنی قتولیک	بغوص	» عربیان
»	حیاتی	»
»	خلوصی	»
»	دارون	»
»	زاتی	»

»	روم ملکیت	»	زکی مغامر	افندی
»	کلدانی	»	سعید نامق	»
»	ترک	»	عزیز	» قاوور زاده
»	چرکس	»	علی نادر پاشا	
»	سریانی قدیم	»	فہیم	افندی
»	پروتستان	»	قرہ بت	» سینہ کریمیان
»	ارمنی	»	کیر قور	» جلالیان
»	موسوی	»	مارقو	» ناخوم
»	ارناوود	»	مراد	»
»	بلغار	»	ناعوموف	»
»	سریانی قتولیک	»	نعمه اه	» جر جیس زاده
»	روم	»	واسیلاکی	» اورقائیدی
»	»	»	ولادیمیر	» میر میر اوغلی
»	لاتین	»	ویقتور	» وارطالیدی
»	روم	»	یانوپولوس	»

افندیلر مؤسس اولمق اعتباریله ایلك دوره اجتماع ایچون  
اعضای طبیعیہ دن درلر .

اون اوچنجی ماده — اعضای منتخبہ — رؤسای روحانیہ دن  
وتشکیلات روحانیہ سی اولیان قلوب ویا جماعت ریاستلرندن  
طلب اولنه جق اوچ ذاتدن اعضای طبیعیہ نك اکثریت آراسیله  
انتخاب اولنه جق برر ذاتدن عبارتدر .

اون سکنجی ماده - هیئت اداره ؛ بر رئیس ، بر  
رئیس ثانی ، بر رئیس ثانی وکیلی ، بر کاتب عمومی ، بر کاتب  
عمومی معاونی ، بر محاسب ، بر صندوقکاری بینلرنده رأی  
خفی وثلثان اکثریت آرا ایله انتخاب ایده جکدر .

اون طقوزنجی ماده - رئیس اول ؛ هیئت عمومیه و هیئت  
اداره یه ریاستله نظامنامه نك تمامی تطبیقی و هیئت عمومیه  
و اداره نك مقرراتی تنفید و اجرا وظیفه سیله مکلفدر .

یکر منجی ماده - رئیس ثانی و وکیلی ؛ رئیس اولک غیبوتنده  
رئیس ثانی و آنک غیبوتنده وکیلی اجتماعه ریاست و اتخاذ  
مقررات ایده بیله جکدر .

یکرمی برنجی ماده - کاتب عمومی ؛ مقرراتی ضبط  
و اوراق وارده و صادره یی دفاتر مخصوصه قید و رئیسک  
حواله سی اوزرینه اوراقی هیئته تودیع و امور سائره تحریریه یی  
ایفا و بالعموم اوراق و دفاتری حسن محافظه وظیفه لرله و کاتب  
عمومی معاونی کاتب عمومینک وظائفنه اشتراک و غیابنده عین  
وظائف ایله مکلفدر .

یکرمی ایکنجی ماده - هر اجتماعده ایدیله جک مذاکرات  
وویریه جک مقرراتی کاتب عمومی ویا معاونی ضبط ایدر و نتیجه  
مذاکراتی حاوی ضبطنامه نك زیری رئیس و کاتب طرفندن  
امضا و حفظ اولنور . ایرتسی اجتماعده ضبط سابق هیئت

اون دردنجی ماده - اعضای متممه - اعضای منتخبه یه  
نامزد اوله رق کلن اوچ ذاتدن ایکیسی ایله شعبه رئیسلی  
و موجودیتی حکومتجه مصدق و هیئتک مساعی و مقاصدینه اشتراک  
ایده بیله جک قلو بلردن مرخص اوله رق کوندریلن برر ذات  
و در سعادتده منتشر یومی و سیاسی غزته صاحب امتیازلری ویا  
طرفلرندن کوندریله جک وکیلردن عبارتدر .

اون بشنجی ماده - اعضای مظاهره - حقوق مدینه دن  
ساقط اولیان و عثمانلی نام مبعجلی طاشیان و بو هیئته اعضای  
مظاهره صفتیه قید و قبولی طلب ایدن ذاتلردر .

اون التنجی ماده - اعضای فخریه - اتحاد عناصره  
ماده ویا معنأ فوق العاده معاونت و خدمتده بولنان هر ذات  
( عثمانلی ویا اجنبی اولسون ) هیئت اداره قراریه اعضای  
فخریه دن عد اولنور .

### هیئت اداره نك تشکیلات و وظائف اداریه سی

اون یدنجی ماده - هیئت اداره نك مرکزی در سعادتده  
اولوب اعضای طبیعی و منتخبه نك اجتماعیه تشکل ایدر . نصفندن  
برفضله سیله هیئت تمام عد و اعتبار اوله رق مذاکره یه باشلار  
و مقرراتی ده تمام اعتبار اولنان هیئت اعضاسنک بر فضله رأی  
ایله اتخاذ ایدر . یالکنز اثنای مذاکره ده مواد مهمه دن اولدیغنه  
قرار ویریان مسائل آنجق اکثریت ثلثان آرا ایله تحت  
قراره آلنیر .

حضورنده قرائت وصحتی تصدیق اولندقدن صکره دفتر مخصوصه  
قید وزیر امضا ایدیه جکدر. مخالف اولان ذات دیلرسه سبب  
مخالفتی درج و دیلرسه مخالف بولندیغنی ذکر ایله اکتفا ایدرک  
امضا ایدیه جکدر .

یکرمی اوچنجی ماده — محاسب ؛ معاملات حسابیه  
متداثر قیود و محرراتی تنظیم ، هراجماعده صندوق موجودینی  
مبین حساب ورقه سنی و هر اوچ آی نهایتده بلانچوسنی ترتیب  
ورئسه اعطا ایدیه جکدر .

یکرمی دردنجی ماده — صندوقکار ؛ پاره نک حسن  
محافظه سی و صرفیاتک حسن اداره سی ایله دفتر مخصوصه ده  
صورت منتظمه ده قید وظیفه لر ایله مکلفدر . رئیس و محاسبک  
امر تحریریسی اولمدجه صندوقکار صرفیاتده بولنه میه جقدر .

یکرمی بشنجی ماده — وارداتدن یکرمی لیرایه قدر  
صندوقکار نزدنده حفظ اولنور اندن فضله سی هیئت اداره جه  
مناسب کوریلن مؤسسسه مالیه یه تودیع اولنه جنی کبی رئیس اول  
محاسب و صندوقکار مجتمعاً امضا ویا مهر لر ایله اخذ اولنه  
بیله جکدر .

یکرمی التنجی ماده — هر التی آی نهایتده ویا لزومی  
تقدیرنده هیئت اداره نک رأی خفی ایله انتخاب ایدیه جکی بش

ذاتدن مرکب بر قومیسون صندوقکار و محاسبک اوراق و دفا -  
ترینی وقاصه موجودینی تفتیش و تدقیق و اولبایده تنظیم ایدیه جکی  
راپوری برای تصدیق هیئت اداره یه تودیع ایدیه جکدر .

یکرمی یدنجی ماده — هیئت اداره لااقل هفته ده بردفعه  
اجتماع ایدیه جکدر . احوال فوق العاده ده رئیس اولک امر ایله  
کاتب عمومی ویا معاونی طرفندن اجتماعه دعوت اولنه جقدر .  
یکرمی سکزنجی ماده — هیئت اداره کندی اعضاسندن  
تعیین ایدیه جکی پروغرام دائره سنده حرکت ایتک اوزره دائمی  
ویا موقت انجمنر تشکیل ایدیه جکدر .

یکرمی طقوزنجی ماده — رئیس و اعضادن هر بری  
هیئتک مقررات متخذه سی خلافه حرکت ایدیه میه جکی  
کبی هیئت اداره نامه رسماً مرخص اوله رق کورندرلمدیکی تقدیرده  
هیئت اداره نامه حرکتیه وسوز سویکه مآذون دکدر .

اوتوزنجی ماده — هیئت اداره نامه بر خصوص حقنجه  
اعزام اولنه جق قومیسونک عددی هیئتجه تقرر و رأی خفی  
ایله تعیین ایتدکن صکره مأموریتلری قومیسونه ویریله جک  
اعتماد نامه رسمی ایله تحقق ایدر . قومیسونک وظیفه ودرجه  
صلاحیتی هیئتجه تعیین و تصریح اولنور .

اوتوز برنجی ماده — هیئت اداره طرفندن ویریله جک  
مقرراتدن موقع اجرا یه وضعی لازم کلن خصوصاتک هان

ایده بیله جک و صورت توکیلی تحریراً جانب ریاسته اشعار ایده -  
جکدر . شاید برنی توکیل ایتمز و بو صورتله معذرتی بر سنه  
دوام ایدرسه مستعفی عد اولنه رق هر ایکی حالدده او اعضانک  
منسوب بولندیغی روحانی ویا قلوب ریاستنه کیفیتک اشعاریه  
برابر دیگر بر ذاتک انتخاب و عزامی طلب اولنه جقدر .

اوتوز بشتجی ماده - هیئت عمومی و اداره اعضاسندن  
هر هانکیسی اولورسه اولسون هیئتک مقرراتی ویا نظامنامه  
احکامی خلافنه حرکات و اجرا آتده بولندیغنه دائر تحریراً  
مقام ریاسته واقع اولان شکایت اوزرینه هیئت اداره رأی خفی  
ایله اعضاسندن انتخاب ایده جکی بش ذاتدن مرکب بر قومیسون  
واسطه سیله تحقیقات اولیه اجرا واولبایدنه تنظیم اولنه جق راپور  
هیئتجه بالمدنا کره اولا شکایت اولنان ذاتک مدافعه سنی استماع  
ایله حرکات واقعه سی مرتبه ثبوته واصل اولدیغی و اثر قصدک  
عدم ثبوتی حالنده یالکنز تنیها ت لازمه ایله اکتفا اولنه جقدر .  
بو صورتله ایکی دفعه تنیه و اخطار ایدلیدیکی حالدده تکرار ایدر  
ویا ایلمک دفعه سنده اثر قصد یعنی بیله رک مخالف حال و حرکته  
بولندیغی هیئت اداره جه بالمدنا کره اکثریت ثلثان ایله تحقق  
ایدرسه کیفیت هیئت عمومی نک ایلمک اجتماعنده موقع مذاکره یه  
قونیه رق اکثریت ثلثان آرا ایله مخالف حال و حرکته بولندیغی  
ثابت اولورسه استغفایه دعوت اولنه جق ، شاید استغفا ایتزایسه  
ویا غیابنده قرار ویریلوبده استغفایه دعوت اولندیغی کوندن

ایفاسی مقتضی در . شو قدر که : مواد مهمه فوق العاده دن  
اولدیغی هیئت اداره جه تقریر ایدنلر هیئت عمومی ده بعدالمدنا کره  
حاصل اوله جق نتیجه یه کوره حرکت اولنور .

اوتوز ایکنجی ماده - اتحاد عناصر عثمانیه هیئتی نامنه  
محکوک مهر یکپاره در کاتبک نزدنده حفظ اولنور . مقرراتک  
تنفید و اجراسی و محرراتک موثوقیتی ایچون تنظیم اولنان اوراقه  
تختیم ایدلمکله برابر زیرنده رئیسک امضاسی بولمق مشروطدر .

اوتوز اوچنجی ماده - اعضای طبیعیه نک مدتی ایلمک  
دوره اجتماع ایچون اوچ سنه و بومدتک انقضاسندن صکره ایکی  
سنه و اعضای منتخبه ایله اعضای متممه نک مدتلی بدایتدن  
اعتباراً ایکی سنه در . مدتک انقضاسنده تابع بولندقلری رئیس  
روحانی ویا قلوب ریاستلی طرفندن اصولی دائره سنده تکرار  
انتخاب و تعیینلی جائدر . بو صورتله یکیدن انتخاب و تعیین  
اولنه جق اعضانک مأموریتلی رسماً تحقق ایدنجیه قدر اسکی  
هیئت اداره کافی السابق وظیفه سنه دوام ایده بیله جکدر .

اوتوز دردیجی ماده - هیئت اعضاسندن بری معذرت  
مشروعیه مستند اولقسزین متوالیاً درت دفعه دعوته اجابت  
ایتزسه مستعفی نظریله باقیله جقدر . معذرت موجود اولوب ده  
امتداد ایده جکی مدت طرفنده معذور اولان هیئت عمومی ده  
بولنان عنصر رفیق بولندن برنی مدت غیوبتی ایچون توکیل



اعتباراً اون بش کون مدت ظرفنده مقام ریاسته تحریراً مدافعات و اعتراضاتی در میان اینر ایسه معزول عد اولنه رق کیفیت منسوب اولدینی رئیس روحانی ویا قلوب ریاسته اشعار و دیگرینک انتخاب و اعزامی طلب اولنه جقدر. هیئت عمومی نك بو باده کی مقرر اتنه قارشی ریاست روحانیله ایله قلوبلرک اعتراضه حقی یوقدر .

اوتوز التنجی ماده — اوتوز بشنجی ماده موجبجه غیاباً عزلنه قرار ویریلن ذاتک اعتراضی اولوب ده هیئت ادارهیه مراجعتی تقدیرنده اعتراضات واقعسی هیئتجه تدقیق اولنوب لثان اکثریت آرا ایله قبول وعدم قبولی حقدنه ویریله جک قرار کندوسنه تحریراً تبلیغ اولنه جقدر .

اوتوز یدنجی ماده — هیئت اداره اعضاسندن بری (اوتوز درت، اوتوز بش، اوتوز التنجی) ماده لر احکامنه توفیقاً استعفا ویا عزل، یا خود معذرت صحیحه یه مستند اولقمزین بلاسبب استعفا ایدر . ویا خود معاذاه وفات ایدرسه اعضای طبیعیه دن اولدینی تقدیرده . مقامنه دیگرینک انتخابی ایچون منسوب بولدینی رئیس روحانی ویا قلوب ریاسته اشعار اولنه جقدر . اعضای منتخبه دن ایسه رؤسای روحانیه دن طلب اولنه جق ذات ایله هیئت عمومی ده بولنان منسوب اولدینی عنصرك دیگر ایکی نامزدلرندن بری هیئت اداره نك رای خفیسى

ایله انتخاب و تعیین اولنه رق اولوجهله اعضای منتخبه دن عد اولنه جقدر .

TDVİSAM  
Kütüphanesi Arşivi  
No 2E.1113

### هیئت عمومی نك وظائفی

اوتوز سکنزنجی ماده — هیئت عمومی (اعضای طبیعیه ومنتخبه و متممهن متشکل اولوب) لااقل هر آلتی ماه ظرفنده اجتماع ایده جک واحوال فوق العاده ده هیئت اداره نك قراریه رئیس اول اجتماع عمومی یه دعوت ایده بیله جکدر .

اوتوز طقوزنجی ماده — هیئت عمومی نك اجتماعى حالنده اولاً تاریخ اجتماعه قدر احوال جاریه حقدنه هیئت اداره نك ویره جکی ایضاحاتی استماع . ثانیاً بودجه یی تدقیق و قبول ، ثالثاً مواد مهمه فوق العاده یی مذاکره ، رابعاً هیئت اداره طرفندن نظامنامه یه متعلق تنظیم اولنه جق لایحه یی تدقیق و تصدیق ایده . جکدر . شوقدر که اشبو لایحه نك هیئت عمومی جه ردی حالنده همان هیئت عمومی و اداره دن بشر ذاتدن مرکب تشکیل اولنه جق قومیسسیونده بعدالتدقیق تنظیم اولنه جق راپور تکرار هیئت عمومی ده تذکر اولنه رق اولباده ویریله جک قراره کوره حرکت اولنه جقدر .

قرقنجی ماده — هیئت عمومی مجموع اعضاسنک نصفندن بر فضله سیله مذاکره یه باشلایه بیله جکدر . هیئت عمومی ده تذکر اولنه جق مواد مهمه دن اولدینی جهتله مقررات موجود

اعضائک ثلاثان اکثریت آراسیله اتخاذ اولنه جقدر . ایکی دفعه وقوع بولان دعوتده مجموع اعضائک نصفندن برفضله سیله اکثریت اوله مدینی تقدیرده اوچنجی اجتماعده اثبات وجود ایده جک اعضایله مذاکره مباشرت ایدیلیر . شوقدرکه مواد مستعجله دن اولوب ده تأخیرنده محذور کوریلن خصوصاً اول امرده مستعجلیتی تحت قراره آلدقدن صکره اکثریت مطلقه نظر اعتباره آلمیه رق همان اثبات وجود ایدن اعضا ایله حل اولنه جقدر .

قرق برنجی ماده — هیئت عمومی اعضاسندن معدود اولان دیگر قلوب مرخصترینک منسوب بولندقلری قلوب اعضانغدن استعفا و یا عزللری وقوعنده اوزاتک هیئت عمومی اعضانغی دخی ساقط اوله رق دیگر بر اعضائک انتخاب و تعیینی خصوصی قلوبنه اشعار اولنه جقدر .

قرق ایکنجی ماده — هیئت عمومی به داخل بولنان یومی و سیاسی غزته صاحب امتیازلری مسلکی ترک و یا حکومت طرفندن غزته سی صورت قطعیه ده تعطیل ایدلدیکی تقدیرده هیئت عمومی ده کی اعضالق صفتی ده زائل اولور .

قرق اوچنجی ماده — نظامنامه نک بعض موادینی تطبیقده محذور کورلدیکی و یا خود بعض موادک علاوه سی ایجاب ایتدیکی تقدیرده هیئت اداره طرفندن تنظیم اولنه جق لایحیی هیئت عمومی اجتماعده تحت قراره آله جقدر .

## شعبه لک تشکیلات و وظائفی

قرق دردنچی ماده — هیئت اداره نک لزوم کوردیکی و تعیین ایده جکی محالرده شعبه کشاد اولنه جقدر . شعبه نک اعضا سی او محالده بولنان عناصر مختلفه دن متشکل اولوب عدد و مقداری مرکزجه تقرر ایده جقدر .

قرق بشنجی ماده — شعبه ل هیئتی تشکیل ایچون او محک امام و باش پاپایی و باش خاخم و مختار انندن محله آهالیسنک اک ناموسلی و مرعی الحاطری اولق اوزره بش ذات طلب اولنه جق وانلردن مرکزک انتخابیله اولجه تقرر ایدن مقداردن بر هیئت اداره تشکیل اولنه جقدر . شعبه ل هیئت اداره سی بر رئیس ، برکاتب ، معاونی ، بر صندوقکار و غندالایجاب رئیس ثانیدن عبارتدر . انتخابلری کندی آردلرنده اکثریت ثلاثان آرا ایله اجرا و تعیین اولندقدن صکره کیفیت انتخابلری مرکزجه اشعار اولنه جقدر .

قرق التنجی ماده — شعبه ل اعضاسنک مدت دوامی ایکی سنه در . مدتک انقضاسنده بالاده کی ( ۴۵،۲۴ ) نجی ماده لر احکامنه توفیقاً انتخاب اولنورلر .

قرق یدنجی ماده — شعبه ل ، مرکزک مقرراتی موقع اجرایه قویق و اتحاد عناصرک معاونتته محتاج اولان موادی

مرکزه تحریراً بیلدیرمک و هر آی نهایتتده احوال عمومییه متعلق مفصل بر زاپور تنظیم و ارسال ایتمک و هیئت اداره مرکزیه قرار یله آچیلان اعانهی مرکزک مهر رسمیمی ایله جمع و جبایت و آبونه قید ایتمک و بدلاتی بالتحصیل مقبوض مقابلنده مرکزه کوندرمک وظائفی ایله مکلفدر . بناءً علیه مرکزک اذن و معلوماتی اولقسزین خودبخود هیچ بر معاملهده بولملری جائز دکلدر . شعبه لرك مهري مرکز طرفندن تدارک و نمونه سی مرکزک دفترینه ثبت اولندقدن صکره شعبه رئیسنه تسلیم اولنه جق و شعبه لرك مقرات و مخبراتنک موثوقیتی ایچون مهرک زیرنده رئیسک امضاسی بولنه جقدر .

قرق سکننجی ماده — شعبه لرك رئیس و اعضاسی استعفا ویا عزللری حقننده (۴۵) نجی ماده احکامنه توفیقاً حرکت اولنه جق و مخالف حال و حرکتده بولنالر حقننده دخی (۳۴ ، ۳۵ ، ۳۶) نجی ماده لر موجبنه مرکزک انتخاب ایده جکی قومیسین مخصوص معرفتیه اجرا اولنه جق تحقیقات اوزرینه نتیجه هیئتجه بالذا کره تحت قراره آله جقدر .

قرق طقوزنجی ماده — شعبه لر هیئت اداره اعضاسندن بری ویا برقاچی حقننده ویا خود بر خصوصدن طولانی شکایتی اولان ذاتک تحریراً مرکز ویا شعبه ریاستنه مراجعتی لازمدر . شعبه ریاستنه مراجعتی حالنده هیچ بر معامله یا پقسزین مذکور شکایتنامه بی شعبه مظروفاً مرکزه اشعاره مجبوردر .

### اعضای مظاهره

النجی ماده — اعضای مظاهره دن اولق آرزوسنده بولنان ذات دیلرسه طوغریدن طوغرییه مرکزه و دیلرسه مقیم بولندی محله کی شعبه ریاستنه تحریراً مراجعت ایدر .

اللی برنجی ماده — مرکز و شعبه لرده قید اولنان اعضای مظاهره نک اسامیسنی مبین دفتر اوله جق و بو دفتره اعضانک اسم و شهرت و محل اقامت و صنعت ویا مأموتی یازیله جق و شعبه لرده قید اولنان اعضانک قیودی مرکز اشعار اولنه جقدر .

اللی ایکنجی ماده — اعضای مظاهره دن اولق طلبنده بولنان ذاتدن لا اقل بش غروش دخولیه آلینیر . و مومی ایه ماهیه بر غروشدن ایکی یوز غروشده قدر معاونتده بولمقله مکلفدر .

اللی اوچنجی ماده — اتحاد عناصر ایچون ماده و معناً سبق ایدن خدمت و معاونتک درجه سنه کوره معین درجه ده مدالیه و خاطره شکران شهادتنامه سی ویریلیر .

### مواد متفرقه

اللی دردنجی ماده — در سعادتده موجود عناصر عثمانیه شونلردر . ( ترك ، روم ، ارمنی ، ارمنی قنولیک ، موسوی ،

روم ملکیت ، سریانی قدیم ، چرکس ، عرب ، ارنبود ،  
 کرد ، کلدانی ، پروتستان ، سریانی قنولیک ، لاتین ، بلغار ،  
 صرب ، بلغار قنولیک ، اولاخ ) در سعادته تشکیلات روحانیه لری  
 اولمیان مازونی ونسطوری کبی عناصرله ممالک عثمانیه ده وجودینه  
 اطلاع حاصل اولانلردن اثبات موجودیت ایلدکلری تقدیرده  
 آنلرده اتحادده داخل اوله جقلردر .

اللی بشنجی ماده — هیئت نامنه ویریله جک قونفرانس لری  
 اعطا ایده جک ذات موضوعی اول امرده هیئت اداره یه بیان  
 ویده ویریله جک قرار اوزرینه ایجابی اجرا اولنه جق وهیئت  
 اداره کیفیتی اعلان و اشاعه ایده جکلدر .

اللی التنجی ماده — هیئتک کشاد ایده جکی قلوب تعلیماتنامه  
 مخصوص ایله اداره اولنور .

اللی یدنجی ماده — اشبو نظامنامه احکامنک تمامی  
 تطبیقی ایله علاقه داران مکلفدر ،

